

黃帝內經素問補註釋文卷之三十四 宣十

唐太僕令啓玄子王冰次註

宋光祿卿直祕閣林億等校正

宋守尚書屯田郎孫九重校誤

骨空論篇

黃帝問曰余聞風者百病之始也以鍼治之奈何

始初也

岐伯對曰風從外入令人振寒汗出頭身重惡寒

風中身形則腠理閉密陽氣內拒寒復外勝勝拒相薄榮衛失所故如是

治在風府

風府穴也在項上入髮際同身寸之一寸

宛宛中督脉足太陽之會刺可入同身寸

之四分若灸者可灸五壯○新校正云按

風府注氣穴論氣府論中各已注與甲乙

經同此注云督脉足太陽之會可灸五壯

者乃是風門熱府穴也當云督脉陽維之

會留三呼不可灸乃是

調其陰陽不足則補有餘則寫

用針之道必法天常盛寫虛補此其常也

大風頸項痛刺風府風府在上椎

上推謂大椎上入髮際同身寸之一寸

大風汗出灸譫譫譫譫在背下俠脊三寸

所厭之今病者呼譫譫譫譫應手

譫譫穴也在肩膊內廉俠第六椎下兩傍

各同身寸之三寸以手厭之今病人呼譫

譫之聲則指不動矣足太陽脉氣所發刺

可入同身寸之六分留七呼若灸者可灸

五壯譫譫者因取為名爾時音

從風憎風刺眉頭

謂橫竹穴也在眉頭陷者中脉動應手足

太陽脉氣所發刺可入同身寸之三分若

灸者可灸三壯

失枕在肩上橫骨間

謂缺盆穴也在肩上橫骨陷者中手陽明

脉氣所發刺可入同身寸之二分留七呼

若灸者可灸三壯刺入深令人逆息○新

校正云按氣府注作足陽明此云手陽明

詳二經俱發於此故王注兩言之

折使掄臂齊肘正灸脊中

掄讀為搖搖謂搖動也然失枕非獨取肩

上橫骨間亦當正形灸脊中也欲而驗之

則使搖動其臂屈折其肘自項之下橫齊

肘端當其中間則其處也是曰陽關在第十

十六椎節下間督脉氣所發刺可入同身

寸之五分若灸者可灸三壯○新校正云

詳陽關穴甲乙經無

眇絡季脇引少腹而痛脹刺譫譫

眇謂俠脊兩傍空輭處也少腹齊下也

腰痛不可以轉搖急引陰卵刺八髎與痛上

八髎在腰尻分間

八或謂九髎真骨及中謁孔穴經正有八

髎無九髎也分謂腰尻肋內分間陷下處

鼠瘻寒熱還刺寒府寒府在附膝外解營

膝外骨間也屈伸之處寒氣喜中故名寒

府也解謂骨解營謂深刺而必中其營也

取膝上外者使之拜取足心者使之跪

拜而取者使膝外空開也跪而取之者令

足心宛處深定也

任脉者起於中極之下以上毛際循腹裏上關元至咽喉上順循面入目

新校正云按難經甲乙經無上順循面入目六字

衝脉者起於氣街並少陰之經

新校正云按難經甲乙經作陽明

俠齊上行至胸中而散

任脉衝脉者奇經也任脉當齊中而上行

衝脉俠齊兩傍而上行然中極者謂齊下

同身寸之四寸也言中極之下者言中極

從少腹之內上行而外出於毛際而上熱

謂本起於此也關元者謂齊下同身寸之

三寸也氣街者宛名也在毛際兩傍鼠鼯

上同身寸之一寸也言衝脉起於氣街者

亦從少腹之內與任脉並行而至於足乃

循腹也何以言之針經曰衝脉者十二經

之海與少陰之絡起於腎下出於氣街又

曰衝脉任脉者皆起於胞中上循脊裏為

經絡之海其浮而外者循腹各行會於咽

喉別而絡唇口血氣盛則皮膚熱血獨盛

則滲灌皮膚生毫毛由此言之則任脉乃

從少腹之內上行至中極之下氣街之內

明矣○新校正云按氣街與氣府論刺熱

篇水熱穴篇刺禁論等注重文雖不同處

所無別備注氣府論中

任脉為病男子內結七疝女子帶下瘕聚衝

脉為病逆氣裏急督脉為病脊強反折

督脉亦奇經也然任脉衝脉督脉者一源

而三岐也故經或謂衝脉為督脉也何以

明之今甲乙及古經脉流注圖經以任脉

循背者謂之督脉自少腹直上者謂之任

脉亦謂之督脉是則以背腹陰陽別為名

目爾以任脉自胞上過帶脉貫齊而上故

男子為病內結七疝女子為病則帶下瘕

聚也以衝脉俠齊而上並少陰之經上至

胸中故衝脉為病則逆氣裏急也以督脉

上循脊裏故督脉為病則脊強反折也

督脉者起於少腹以下骨中央女子入繫廷

孔

起非初起亦猶任脉衝脉起於胞中也其

實乃起於腎下至於少腹則下行於腰橫

骨圍之中央也繫廷孔者謂竅漏近所謂

前陰穴也以其陰廷繫屬於中故名之

其孔溺孔之端也

孔則竅漏也竅漏之中其上有溺孔焉端

謂陰廷在此溺孔之上端也而督脉自骨

圍中央則至於是

其絡循陰器合纂間繞纂後

督脉別絡自溺孔之端分而各行下循陰

器乃合纂間也所謂間者謂前陰後陰之

兩間也自兩間之後已復分而行繞纂之

後

別繞纂至少陰與巨陽中絡者合少陰上股

內後廉貫脊屬腎

別謂別絡分而各行之於焦也足少陰之

絡者自股內後廉貫脊屬腎足太陽絡之

外行者循髀樞絡股陽而下其中行者下

貫腎至膈中與外行絡合故言至少陰與

巨陽中絡合少陰上股內後廉貫脊屬腎

也○新校正云詳各行於焦疑字誤
與太陽起於目內眥上額交顙上入絡腦還
出別下項循肩膊內俠脊抵腰中入循腎絡
腎

接繞腎而上行也

其男子循莖下至篡與女子等其少腹直上
者貫齊中央上貫心入喉上順環膺上繫兩
目之下中央

自與太陽起於目內眥下至女子等並督
脉之別絡也其直行者自尻上循脊裏而
至於鼻人也自其少腹直上至兩目之下
中央並任脉之行而云是督脉所繫由此
言之則任脉衝脉督脉名異而同一體也
此生病從少腹上衝心而痛不得前後為衝
疝

尋此生病正是任脉經云為衝疝者正明
督脉以別主而異目也何者若一脉一氣
而無陰陽之異主則此生病者當心背俱
痛豈獨衝心而為疝乎
其女子不孕癥瘕遺溺噎乾

亦以衝脉任脉垂自少腹上至於咽喉又
以督脉循陰器合篡間繞篡後別繞解故
不孕癥瘕遺溺噎乾也所以謂之任脉者
女子得之以任養也故經云此病其女子
不孕也所以謂之衝脉者以其氣上衝也
故經云此生病從少腹上衝心而痛也所
以謂之督脉者以其督領經脉之每也由
此三用故一源三岐經或通呼似相謬引
故下文曰

督脉生病治督脉治在骨上甚者在脊下營
此亦正任脉之分也衝任督三脉異名同
體亦明矣骨上謂腰橫骨上髀際中曲骨
穴也任脉足厥陰之會刺可入同身寸之
一寸半若灸者可灸三壯齊下謂齊直下
同身寸之一寸陰交穴任脉陰衝之會刺
可入同身寸之八分若灸者可灸五壯
其上氣有音者治其喉中央在缺盆中者
中謂缺盆兩間之中天突穴在頸結喉下
同身寸之四寸中央宛宛中陰維任脉之
會低針取之刺可入同身寸之一寸留七

呼若灸者可灸三壯
其病上衝喉者治其漸漸者上俠頤也
陽明之脉漸上頤而環唇故以俠頤名為
漸也是謂大迎大迎在曲頤前骨同身寸
之一寸三分陷中動脉是陽明脉氣所發

刺可入同身寸之三分留七呼若灸者可
灸三壯

寒膝伸不屈治其捷

寒膝謂膝痛屈伸寒難也捷謂解頤

橫骨下股外之中側立搖動取之筋動應

手捷音

坐而膝痛治其機

髓骨兩傍相接處

立而暑解治其骸關

暑熱也若膝痛立而膝骨解中熱者治其

骸關骸關謂膝解也一經云起而引解言

膝痛起立痛引膝骨解之中也暑引二字

其義則異起立二字其意頗同

膝痛痛及拇指治其膈

膈謂膝解之後曲脚之中委中穴背面取

之脉動應手足太陽脉之所入刺可入同
身寸之五分留七呼若灸者可灸三壯
坐而膝痛如物障者治其關

關在臑上當捷之後背立按之以動搖筋
應手

膝痛不可屈伸治其背內

謂大杼穴也所在灸刺分壯與氣穴同法
連所若折治陽明中俞髀

若膝痛不可屈伸連肱痛如折者則針陽
明脉中俞髀也是則正取三里穴也

若別治巨陽少陰榮

若痛而膝如別離者則治足太陽少陰之
榮也足太陽榮通谷也在足小指外側本

節前陷者中刺可入同身寸之二分留五
呼若灸者可灸三壯足少陰榮然谷也在

足內踝前起大骨下陷者中刺可入同身
寸之三分留三呼若灸者可灸三壯

淫瀦脰瘦不能久立治少陽之維

新校正云按甲乙經外踝上五寸乃足少
陽之絡此云維者字之誤也

在外上五寸

淫瀦謂似酸痛而無力也五寸一云四寸
中詰圖經外踝上四寸無穴五寸是光明

穴也足少陽之絡刺可入同身寸之七分
留十呼若灸者可灸五壯○新校正云按

甲乙經云刺入六分留七呼

輔骨上橫骨下為捷俠體為機膝解為骸關
俠膝之骨為連骸骸下為輔輔上為臑臑上

為關頭橫骨為枕

由是則謂膝輔骨上腰髀骨下為捷捷上

為機膝外為骸關捷後為關關下為臑臑

下為輔骨輔骨上為連骸連骸者是骸骨
相連接處也頭上之橫骨為枕骨

水俞五十七穴者尻上五行行五伏兔上兩
行行五左右各一行行五踝上各一行行六

穴

所在刺灸分壯具水熱穴論中此皆是骨

空故氣穴篇內與此重言爾

髓空在腦後五分在顙際銳骨之下

是謂風府通腦中也

一在斷基下

當顙下骨陷中有穴容豆中詰圖經名下
顙

一在項後中復骨下

謂瘡門穴也在項後際宛宛中入系舌本
督脉陽維之會仰頭取之刺可入同身寸

之四分禁不可灸

一在脊骨上空在風府上

上謂腦戶穴也在枕骨上大羽後同身寸
之一寸五分宛宛中督脉足太陽之會此

刺腦之戶不可妄灸灸之不幸令人瘡刺

可入同身寸之三分留三呼○新校正云
按甲乙經大羽者強間之别名氣府注云

若灸者可灸五壯

脊骨下空在尻骨下空

不應主療經關其名○新校正云按甲乙

經長強在脊骶端正在尻骨下王氏云不

應主療經關其名得非誤乎

數髓空在面俠鼻

謂顙髀等穴經不二指陳其處小小者爾

或骨空在口下當兩肩

謂大逆穴也所在刺灸分壯與前俠顧同法

兩髀骨空在髀中之陽

近肩髃穴經無名

臂骨空在臂陽去踝四寸兩骨空之間

在支溝上同身寸之一寸是謂通間○新校正云按甲乙經支溝上一寸名三陽絡通間豈其別名歟

股骨上空在股陽出上膝四寸

在陰市○中伏菟穴下在承捷也

胛骨空在輔骨之上端

謂鎖鼻穴也在膝髕下胛骨上俠解大筋中足陽明脉氣所發刺可入同身六分灸者可灸三壯

股際骨空在毛中動下

經闕其名

尻骨空在髀骨之後相去四寸

是謂尻骨上八髎穴也

扁骨有漆理湊無髓孔易髓無空

扁骨謂尻間扁底骨也其骨上有漆瀼文理歸湊之無別髓孔也易亦也骨有空則

髓有孔骨若無孔髓亦無孔也

灸寒熱之法先灸項大椎以年為壯數

如患人之年數

次灸掖骨以年為壯數

尾窮謂之掖骨

視背俞陷者灸之

背脾骨際有陷處也

舉臂有上陷者灸之

肩髃穴也有肩端兩骨間手陽明躡脉之會刺可入同身寸之六分留六呼若灸者

可灸三壯也

兩季脇之間灸之

京門穴腎募也在髀骨與腰中季脇本俠

脊刺可入同身寸之三分留七呼若灸者

可灸三壯

外踝上絕骨之端灸之

陽輔穴也在足外踝上輔骨前絕骨之端

如前同身寸之三分所去丘虛七寸足少

陽脉之所行也刺可入同身寸之五分留

七呼若灸者可灸三壯○新校正云按甲

乙經云在外踝上四寸

足小指次指間灸之

夾谿穴也在足小指次指岐骨間本節前

陷者中足少陽脉之所流也刺可入同身

寸之三分留三呼若灸者可灸三壯○新

校正云按甲乙經流當作留字

臑下陷脉灸之

承筋穴也在臑中央陷者中足太陽脉氣

所發也禁不可刺可灸三壯○新校正云

按刺腰痛篇注云臑中央如外陷者中

外踝後灸之

崑崙穴也在足外踝後跟骨上陷者中細

脉動應手足太陽脉之所行也刺可入同

身寸之五分留十呼若灸者可灸三壯

缺盆骨上切之堅動如筋者灸之

經闕其名當隨其所有而灸之

膺中陷骨間灸之

天突穴也所在灸刺分壯與前缺盆中者

同法

掌東骨下灸之

陽池穴也在手表腕上陷者中手少陽脉之所過也刺可入同身寸之二分留六呼若灸者可灸三壯

臍下關元三寸灸之

正在臍下同身寸之三寸足三陰任脉之會刺可入同身寸之二寸留七呼若灸者灸七壯○新校正云按氣府注云刺可入一寸二分者非

毛際動脉灸之

以脉動應手為處即氣街穴也膝下三寸分間灸之

三里穴也在膝下同身寸之三寸胛骨外廉兩筋肉分間是陽明脉之所入也刺可入同身寸之一寸留七呼灸者可灸三壯

足陽明跗上動脉灸之

衝陽穴也在足跗上同身寸之五寸骨間動脉足陽明脉之所過也刺可入同身寸之三分留十呼若灸者可灸三壯○新校

正云按甲乙經及全元起本足陽明下有灸之二字并跗上動脉是二穴今王氏去灸之二字則見二穴今於注中却存灸之二字以闕疑耳

顛上一灸之

百會穴也在頂中央旋毛中陷容指督脉足太陽脉之交會刺可入同身寸之三分若灸者灸五壯

犬所嚙之處灸之三壯即以犬傷病法灸之犬傷而發寒熱者即以犬傷法三壯灸之

○
諸切

凡當灸二十九處傷食灸之

傷食為病亦發寒熱故灸○新校正云詳足陽明不別灸則有二十八處疑王氏去上文灸之二字者非

不已者必視其經之過於陽者數刺其俞而棄之

黃帝內經素問補註釋文卷之三十四

黃帝內經素問補註釋文卷之三十五 寒

唐太僕令唐玄子主冰次註

宋元祿卿直松閣林德等校正

宋守而書也四郎孫此重改誤

水熱穴論篇

黃帝問曰少陰何以主腎腎何以主水岐伯對曰腎者至陰也至陰者盛水也肺者太陰也少陰者冬脉也故其本在腎其末在肺皆積水也

陰者謂寒也冬月至寒腎氣合應故云腎者至陰也水王於冬故云至陰者盛水也腎少陰脉從腎上貫肝膈入肺中故云其本在腎其末在肺也腎氣上逆則水氣客於肺中故云皆積水也

帝曰腎何以能聚水而生病岐伯曰腎者胃之關也開門不利故聚水而從其類也

關者所以同出入也腎主下焦膀胱為府主其分注開竅二陰故腎氣化則二陰通二陰開則胃填滿故云腎者胃之關也關閉則水積水積則氣停氣停則水生生

水生生